



UNIVERSITÄTS-
BIBLIOTHEK
PADERBORN

**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Cap. 5. De suscipientibus & conferentibus hoc Sacramentum.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

constitutionibus Apost. cap. 26. lib. 8. dici *Exorcistam non fieri ordinatione, sed per Christi gratiam & aduentum Spiritus sancti: vnde videtur colligi, illo tempore nondum fuisse Ordinem, sed paulo post institutum; quando nimis donum illud miraculorum, quo dæmones expellebantur, cessavit.*

Quarto, Ordines minores possunt simul conferri, inquit, simul conferuntur, & interdum ubi talis est consuetudo possunt conferri cum Subdiaconatu: atque Ordines sacri, non nisi per temporum interualla. Cuius non videtur esse alia ratio, nisi quod hi sint Sacraenta, illi minimè.

Quinto, Parum videtur credibile tot imprimi characteres reales & supernaturales, & toties conferri gratiam ex opere operato, idque ad oboendas functiones, quæ passim à laicis fieri possunt. Si dicas characteres & gratiam dari, ut iste functiones solemniter fiant. Respondeo, etiam à laicis sunt cum omni solemnitate, ut passim videamus in Ecclesijs. Quod tamen Ecclesia non deberet permettere, si ad hoc potestas quædam supernaturalis, & gratia diuina esset necessaria. Deinde potestas & gratia quæ datur in Ordine, non datur ob solemnitatem actui Ordinis adiunctam, sed ob ipsam substantiam actus; nam solemnitas ab Ecclesia est instituta: ergo non datur character & gratia, ut actus horum ordinum solemniter fiant.

Sexto, Si isti ordines sint Sacraenta, ergo erit peccatum mortiferum sacrilegij suscipere illos in statu peccati mortiferi. Quod si ita est, cur Ecclesia non curat, ut suscepturni ante confiteantur, vel faltem dolorem peccatorum suscipiant, vt in alijs Sacramentis?

Nec obstat, quod isti Ordines non possint repeti, ac proinde videantur esse Sacraenta imprimenter character. Hęc enim ratio recte concluderet, si constaret esse Sacraenta. Alioqui facile responderi potest: nam ordinatio Diaconissæ, quam habet Clemens lib. 8. constitut. Apostolicarum cap. 19. repeti non potest, tamen non est Sacramentum. Pari modo consecratio calicis, altaris, templi, & similia, quādū manent integra, non repetuntur; tamen nihil reale imprimunt. Ratio est, quia omnis consecratio, etsi solum sacramentalis sit, & non Sacramentum, de se est perpetua, nec definit esse nisi per desitionem rei consecratae. Ob hęc, & similia argumenta hęc sententia est satis probabilis.

CAPUT V.

De Suscipientibus, & de Conferentibus hoc Sacramentum?

DUBIUM I.

Quales debent esse qui hoc Sacramentum suscipiunt?

42
Requiratur
bona vita
& fama.

R Espondeo & Dico Primo: Ordinandi debent esse bona conscientia; ita ut non sint sibi conscientia alicuius peccati mortiferi. Deinde debet esse bona fama. Ratio est: quia Ordinatio est Sacramentum, non quidem institutum ad remissionem peccatorum, sed ad constituendum hominem Mediatorem inter Deum & plebem. Nam

Sacerdotes debent Deo vota populi & sacrificia offerre, & populo diuinam doctrinam & Sacra- menta ministrare, ad qua & bona conscientia apud Deum, & bona fama apud homines requiruntur. Adde, commune esse omnibus Sacramentis, ut non possint suscipi in peccatis.

Dico Secundo: Non requiritur ad singulos Ordines nisi ea cognitio, quae necessaria est execu-
tione & ministerio illius. Vnde, si quis ordinetur ad Sacerdotium, tantum ut sacrificium offerat, ratione
quod est primarium Sacerdotis ministerium: non Ordinis autem ut confessiones audiat & absoluat, quod suscipiēdi.
est alterum eius munus, sed minus principale, non
requiritur ut plura sciat, quām quae ad illud mi-
nisterium necessaria sunt.

Dico Tertiō: Homo non consequitur digni-
tatem Sacerdotij vel alterius Ordinis per vitę Sanctas
sanctitatem: alioquin Ioannes Bapt. & B. Virgo vita non
Sacerdotes fuissent. Et ratio est, quia potestas
Ordinis non datur in propriam utilitatem, sed in
aliorum. Sanctitas autem vita & omne eius prae-
mium est in propriam sancti utilitatem.

Dico Quartō: Grauter is peccat qui promo-
vet indigneos ad Ordines, praeterea sacros: quia
est infidelis dispensator. Contra hos autem, & eos
qui indigne promouentur, vel contra Canones
promouentur, grauissimas penas constituit Xi-
stus V.

Dico Quintō: Mortaliter, iuxta D. Thomam
hic q. 36. ar. 5. is peccat, qui in peccato mortali
existens, aliquod sacram officium obicit. Verum
45
Sacrum of-
ficiū in
mortali
obicit,
qui
peccat.

Notandum est: Probabilius esse non peccare mortaliter Ordinatum, si Epistolam aut Euange-
lium cantet, aut alicuius Minoris Ordinis mini-
sterium peragat in peccato mortali, modò id cum
debita reverentia faciat. Sed tantum, quando Sa-
cramentum aliquod in peccato mortali admini-
strat. Ita Domin. Soto hic. Et ratio est, quia illa
ministeria in se nullam habent consecrationem,
aut singularem sanctitatem; sicut habent Sacra-
menta, in quibus gratia Spiritus sancti, & San-
guis Christi contineri censetur. Cantare enim Eu-
angelium non est actio sancta, nisi quatenus vel
procedit à bona intentione, & hac ratione non
polluit à peccatore, sed potius peccator per illa
actionem ad gratiam preparatur: vel quatenus est
signum & explicatio rerum sacrarum; & sic etiam
non polluit, quia sanctitas illa est extrinseca isti
functioni: vel denique quatenus ex institutione
divina est officium sacri Ordinis. Dupliciter au-
tem potest quis Euangelium legere aut cantare:
Primò, simpliciter & non ex officio; & sic non
cenetur pollui. Secundo, ex officio, v. g. quatenus
illud est munus & actio Ordinis sacri; & sic
sanctitatem trahit ex ipso Ordine, & proinde cen-
etur pollui, si extra gratiam fiat: tamē illa san-
ctitas non est tanta, ut hæc contaminatio censeatur
peccatum mortale. Vide dicta supra qu. 64.
art. 6. num. 9.

DUBIUM II.

*Vtrum solus Episcopus Sacramentum
Ordinis conferat?*

R Espondeo: Ad solum Episcopum pertinet
conferre omnes Ordines. Ratio est: quia ipse
solus est sacrorum Princeps, cuius est inferiores
Ecclesiae & sacrorum ministros instituere & con-
ferrare;

secreare: sicut in Republica solius Principis est omnes inferiores ministros constitutere.

Notandum tamen Primo: Simplici Sacerdoti auctoritate Pontificis, posse committi collatione Ordinum Minorum: nam hanc modo habet Abbatés, si Presbyteri sint, & benedicti: vt patet ex Cap. Cum contingat, de etate & qualitate Ordinandorum, & ex Concilio Tridentino, l. 23, c. 10. Idem valde probabile est de Subdiaconatu: nam Abbas cuiuslibet monasterij Cisterciensis in Germania habet priuilegium conferendi Subdiaconatus Ordinem, concessum & confirmatum a multis summis Pontificibus; vt refert Nauar. Consilio 13. lib. 5. i. tit. de Privilegijs. Franciscus Victoria q. 23. s. dicit se vidisse Bullam Pontificis, qua cuidam Abbatii Ordinis Cisterciensis hoc priuilegium concedebatur. De Diaconatu non extat exemplum certum, & Doctores communiter negant præter Durandum & Caetanum.

Notandum Secundo: Abbates non posse conforre primam tonsuram, vel Ordines minores, nisi suis subditis regularibus; vt expressè statuit Concilium Tridentino, l. 23, c. 10, vbi etiam omnibus priuilegijs & conuentudinibus derogat.

Notandum Tertiò: Quando Archidiaconus in quibusdam Ordinibus porrigit materiæ ordinantis (quod facere potest in Minoribus & Subdiaconatu) non censeri ipsum conferre ordinem; quia non suo nomine porrigit, sed veluti manus Episcopi, Episcopo interim formam proferente. Hoc tamen fieri non potest in Sacerdotio & Diaconatu.

Notandum Quartò: Episcopum, etiæ haereticus sit, vel ab Ecclesia praeficius, posse hoc Sacramentum conferre. De quo vide supra qu. 64. art. 6. dub. 3. & art. 9.

CAPVT VI.

De impedimentis Ordinum.

DVBIVM I.

Vtrum sexus feminus Ordinis suscep-
tione impediatur?

Respondeo Affirmative: Adeò ut si feminina ordinetur, præsertim Ordine sacro, nihil efficiatur. Nō enim tam est irregularis, quām prorsus incapax huius Sacramenti, vnde etiam nullum extat exemplum. Ratio primaria est institutio Christi. Congruentiae sunt variae: Prima, Quia Ordines adferunt quandam præminentiam supra alios: feminarum autem est, subesse, Gen. 3. v. 16. Sub potestate viri eris. Secunda, Quia Ordinibus annexum est officium docendi: femina iubetur tare in Ecclesia, & discere in silentio, cū omni subiectione. Tertia, Sexus feminus multas alias habet imperfectiones, ob quas non decet illam ordinari.

Nec obstat, quod Clemens supra meminit Diaconiuarum, & Gregorius lib. 4. Dialog. c. 11. Presbyteriarum, quod habetur Can. Presbyter, 32. dist. Quia illas Diaconissas nihil corum poterant, quia Presbyteri vel Diaconi; sed tantum custodiebant ianuas, & Sacerdoti ministrabant in baptismis mulierum, idque ob decorum, vt ait Clemens c. 28.

Quæ Dia-
conisa vel
Presbyte-
ri.

Quæ Dia-
conissas vel
Presbyte-
ri.

Vnde illarum ordinatio erat sacramentalis quædā ceremonia, ab Apostolis instituta, quæ parum duravit. Presbytera autē ibi vocatur vxor Presbyteri, quan ante sacrum Ordinem duxerat, quia cum illo simul continentiam seruabat. Aliquando sic vocatur vidua senior; vt docet Gratianus ibidem ex Concilio Laodiceno supra, Canone sequenti.

DVBIVM II.

Vtrum pueri, & carentes usu rationis,
sint Ordinum capaces?

Respondeo Affirmative. Est communis Doctorum, præterquam Durandi, qui id negat. Sed confirmatur ex Baptismo & Confirmatione, quæ ante usum rationis validè conferuntur. Ea enim Sacra menta, quæ pro materia vel forma non habent actum suscipientis, vt sunt omnia præter Penitentiam & Matrimonium, possunt dari ratione carentibus. Neque ad hoc requiritur intentione parentum, vt contra Durandum ostendimus supra quæst. 68. art. 10. in Dubio; nam Baptismus etiam in iuris parentibus infantis collatus, est validus. In adulto tamen requiritur positius consensus, vt dictum est eadem quæst. 68. art. 7. contra Caetanum.

Notandum tamen, puerum, qui ante usum rationis ordinatus est, non teneri ad votum castitatis, sed posse liberè matrimonium contrahere. Nam nemo tenetur ad confilia, nisi se sponte ad ea obligaret. Secùs est de Christiana religione, etiæ in iuris parentibus sit baptizatus: hanc enim tenebatur suscipere, & nulla ei in hoc sit iniuria, sed dumtaxat parentibus, quæ prolem ab Ecclesia potestate non eximit. Si tamen nolit seruare castitatem, suspendendus est ab Ordinum executione. Idem dico de eo qui metu cadente in constantem virum, ordinatus est: cuius exemplum habuimus Romæ anno 1583. sub Gregorio XIII. in quodam Religioso professo, & Sacerdotio initiato, cum quo ob metum illum, cùm de eo legitimè probatum esset, dispensatum fuit, super votis Religionis & Sacerdotio, vt posset vxorem ducere.

Quenam autem artas ad singulos Ordines requiratur, vide Concilium Tridentinum l. 23. cap. 4. de Reformatione & sequentibus. Capite enim 4. ad Tonfuram requirit Tridentinum vt quis antea Confirmationis Sacramentum suscepit, & sciat legere & scribere. Capite 11. ad Minores Ordines requirit saltē intelligentiam linguae Latine, atatem autem certam non prescribit. Capite 12. ad Subdiaconatu requirit annum vigesimum secundum inchoatum. Ad Diaconatum requirit vigesimum tertium inchoatum. Ad Sacerdotium vigesimum quintum inchoatum. Ante hęc tempora suscipere Ordines est peccatum mortale: & in Maioribus incurrit suspensio ab executione; vt patet in Extravagante Pij III. Alias grates penas addidit Xystus V. in sua constitutione contra Clericos male promotos.

Vtrum vero serui, homicidae, defectuosi & illegiti ad Ordines promoueri possint; agit hęc D. Thomas quæst. 39. art. 3. 4. 5. & 6. Nos vero præterea de his satis diximus in materia de Irregularitate.

48
Affirmatur.

Anne usum
rationis
Ordinatus
non teneret
voto casti-
tatis.

Similiter
qui per
metum or-
dinatus.

49
Quæ artas
ad singulos
Ordines
requiruntur.

50
Quinam
ad Ordines
præterea
sunt incepta.

Ffff

DE